



Universitätsbibliothek Paderborn

**Oratio Panegyrica Habita In Sacra Aede B. Mariae
Aspricollensis Ipso Festo Assumptionis ejusdem Die**

Venne, Franziskus vanden

Mechliniae, 1663

Ode In Pretiosissimvm Tapetem A Pontifice Maximo Alexandro Septimo
Thaumaturgae Virgini in Aspero-Colle dono datum, ac ipso Assumptae
glorioso die per manus Illustrissimi & R[everendissi]mi Domini D. ...

urn:nbn:de:hbz:466:1-12159

O D E
IN PRETIOSISSIMVM TAPETEM
A P O N T I F I C E M A X I M O
ALEXANDRO SEPTIMO

Thaumaturgæ Virgini in Aspero-Colle dono datum,
 ac ipso Assumptæ glorioſo die per manus Illustrissimi
 & R. ^{mi} Domini D. HIERONYMI Abbatis S. MARIAE
 Montis Regalis oblatum.

THEMA.

*Erit in novissimis diebus præparatus Mons Domus
 Domini in Vertice Montium & elevabitur super
 Colles & fluent ad eum omnes gentes. Isaix 2.*

Tentent Gigantes agmine montium
 Ad celsa summi regna Iovis viam,
 Vastisque certatim labores
 Mole pares humeris reclinent :
 Nunquam Vetustas priscaque sæcula
 Ivisse montes montibus obvios ,
 Collisque spectarint Gigantum
 Impositos humerisque Colles.
 At nostra primis æmula sæculis
 Videbit ætas jam sine fabula,
 Stupebit Auratosque Montes
 Romulidum properare muris.

H

Sacra

METRA

Sacra cœlo (credimus) indice
 Ter Thaumaturgæ Regia Maximæ
 Stat lecta sedes, nomen ipsa
 Collis Acutus habet vel Asper.
 Hic æviternis septa Phalangibus
 Et mille claris fulget adoreis
 Regina Mirorum Patratrix
 Sola soli columen labantis.
 Huc ergo toto Christiadum greges
 Ab Orbe densis Agminibus ruant,
 Ter Maximi dono Parentis
 Elicitæ glomerentur Vrbes:
 Ab vrbe septem montibus inclyta
 En orbis Athlas destinat aureos,
 Senosque Montes, signa notæ
 Astra super generosa Stirpis.
 Sublime texto munificum decus
 Densatur auro Clavibus Aureis:
 Submittit Aulæum Mitratum
 Parthenio sua jura sceptro.
 Impone Senis Montibus Asperum
 O! summe Præful, Septime Septimu m:
 An Septi-Collem forte dici
 Asperitas tituli meretur?
 Qui ditioni cingis adoreâ,
 Bissena senis ferta jugis beas,
 Cœlo coronatam Tonantis
 Perge solo decorare Matrem.

En

En CHISTIANI gloria sanguinis
 Ut surgit ulnis prona tot obviis,
 Incurvat ut ramos supino
 Nempe Vicaria Quercus auro.
 Expende Doni mystica Symbola :
 Est Thaumaturgæ quercea Virginis
 Quæ prostat Icon. dico Natum,
 Et mala nostra tulisse Quercum ★
 Icon Beatæ pendula Quercui ,
 Aut sculpta ligno credito Querceo ,
 Senos ab ambiente Colles ,
 Quàm Phrygiâ decoratur arte!
 Conchyliato quàm benè fulgurat
 Mons præparatus vertice Montium,
 Domus Tonantis dùm recumbit
 Nixa jugis radiosa senis.
 Vix credis Orpheu absque tuâ lyrâ
 Fixisse Quercum basia Belgicæ
 Ab Vrbe missam, quam rotundo
 Belga videt radiare tecto.
 Quâ mente senis ac genialibus
 Vnum maritas septime Montibus
 Heros ALEXANDER supreme
 Christicolæ moderator orbis.
 Augustiorum maxime Præfulum
 Septennis orbi volvitur orbita
 Divum Coronati Sigillo
 Verticis orbis & Vrbis almæ.

*Lips de
Cruce lib
3.c.13.

H 2

Senensi

METRA

Senensis ortu sena^{que} Culmina.
 Agnata celo gloria Stemmati,
 Amant coronari Receptæ
 Virginis ad Superos triumphó.
 An glorioſis Montibus incubans
 Sidus sereno lumine pervaſil
 Hac luce perſtrinxit coruſcans.
 Parthenii radius nitoris?
 Periculofum Clavigeræ Ratis
 Clavum tenenti puppis in arduo
 Alluxit agnatæ vel aſtris.
 Lucidior Cynofura Stellæ
 O! quanta tantæ Munificentia,
 Effulget Heros pars Hieronymus
 Regalis Abbas Montis Almæ.
 Virginis, ô tibi quam faventis!
 Regalis offert Regia munera
 Abbas, supremæ Nuncius Inſulæ,
 Nunc dextra dantis: de P APE Abbas
 Thuricremis nivet altus aris.
 Ecclesiastes eloquii potens
 VENNUS perorat, Pieridum Patres
 CATULLUS applaudunt, Burusque:
 Conciliï Columen supremi
 Gestitque BLITTERSWYCKIUS: advolat
 Comes GOMICOUR, Nerviadum decus:
 VERVERUS adſtat: & venusto
 Nobilitas comitata cœtu.

Huc

P A N E G Y R I C A .

41

Huc huc fideles undique confluant
(Quis ambigendum censeat?) Asperi
Miracula Collis jam sigillo
Pontificis validata constant.
Quid hæc amoris Tessera Maximi
E gratiarum prolicet sinu?
Datis ALEXANDER fatere
Muneribus fore Te minorem,
Molem laborum temperat asperam
Senis coronam Montibus inseret:
— Ditabit Auro Charitatis
Sidereos vehet inter axes.

V O T I V U M .

O! una tantum, Staurophorum beet
Scintilla tanti luminis Ordinem!
Et Tecta lustret Agathana
Quæ premit hæreſeon Tyrannis.

C H R O N I C O N .

rāpes ALEXANDRI MARIE saCer.

A L I U D

SACRO BEARIS MVNERE AVLÆI DATOR.

Cecinit

RAYNERIUS CANDIDUS
Ord: Sanctæ  Prior Mosacanus
H. 3 IN PRE-